

歸化城廳志

卷十七

八

歸化城廳志卷之十二

官蹟

道兼惠義鄭子產遺愛常存化洽循良何司空去思彌切美哉政乎何入之深也歸化為中外畛域之交歷代邊防恒以此為重官斯土者或武功炳耀或德政涵濡類能宏濟蒼生以表見於世特以地當沙漠文獻無徵小民又鄙樸不文其湮歿不傳者曷可勝數僅就謳頌所及史載所載者加意搜羅備列於左以見膏澤不逮而盛德不忘也詩曰高山仰止景行行止又曰君子是則是做緬彼芳型窈有志而未逮焉志官蹟

歸化城廳志卷之十二 官蹟

兩漢

孟舒當事趙王張敖高帝八年貫高等謀發詔捕敖羣臣有敢隨  
趙王罪三族惟田叔孟舒等十餘人赭衣自髡鉗隨敖至長安  
敖事白得出進言叔等十人上召見與語漢廷臣無能出其右  
上悅盡拜為郡守諸侯相舒為雲中守及文帝初立召漢中守  
田叔問曰公知天下長者乎對曰臣何足以知之上曰公長者  
宜知之叔頓首曰故雲中守孟舒長者也是知舒坐寇大入雲  
中免上曰先帝置孟舒孟中十餘年矣虜常一入舒不能堅守  
無故士卒戰死者數百人長者固殺人乎叔叩頭曰夫貫高等  
謀發下明詔趙有敢隨張王者罪三族然孟舒自髡鉗隨王以

身死之豈自知為雲中守哉漢與楚相距士卒罷敝而冒頓來  
為邊寇孟舒知士卒罷敝不忍出言士爭臨城死敵如子為父  
以故死者數百人孟舒豈毆之哉是乃孟舒所以為長者於是  
上曰賢哉孟舒復召以為雲中守

魏尚槐里人為雲中守其軍市租盡以饗士卒私養錢五日一椎  
牛饗賓客軍吏舍人匈奴遠避不近雲中塞寇常一入尚率車  
騎擊之所殺甚眾坐上功首虜差六級削官後文帝以馮唐言  
令唐持節赦尚復以為雲中守

李廣隴西成紀人世世受射景帝時為雁門雲中太守武帝即位  
左右言廣名將也入為未央衛尉後為驍騎將軍屬護軍將軍

軍馬已烽烟無警言後四歲以衛尉為將軍出雁門塞北兵多破  
廣軍以廣賢素聞塞北令曰得李廣必生致之得廣廣時傷置  
兩馬間絡而盛之臥行十餘里廣陽死晚其旁一兒騎善馬暫  
騰而上南馳得脫至漢下廣吏贖為庶人元朔六年復為將軍  
復大將軍出定襄歷七郡太守前後四十餘年得賞賜輒分其  
戲下飲食與士卒共之士以此愛樂為用家無餘財終不言生  
產事為人長猿臂其善射亦天性雖子孫他人學者莫能及塞  
北嘗號曰飛將軍

遂成雲中太守元狩四年大將軍青出定襄擊匈奴還吏卒無封  
者惟成及西河太守常惠受賞

趙充國字翁孫隴西上邽人也沈勇有大略少好將帥之節而學兵法本始中為後將軍將四萬騎分屯雲中代雁門定襄五原朔方上谷漁陽等緣邊諸郡邊境帖然

辛慶忌字子真狄道人少以父任所在著名成帝時執金吾數年坐小法左遷為雲中太守復徵為光祿勳任至左將軍外國敬其威信卒官

馬襄為西河長史承平五年冬北部六七千騎入於五原塞遂寇雲中至原陽南部擊羊却之襄赴救寇乃引去

廉范字叔度京兆杜陵人趙將廉頗之後也漢興以廉氏豪宗自苦陘徙焉范舉茂才遷雲中太守會寇大入塞烽火日通故事

冠過五千人移書傍郡吏欲傳檄求救范不聽自率士卒拒之  
冠衆盛而范兵不敵會日暮令軍士各兩縛兩炬三頭熬火營  
中星列冠遙望火多謂漢兵救至大驚待旦將退范乃令軍中  
莽食晨往赴之斬首數百級冠自相轉藉死者千餘人由此不  
敢復向雲中後類歷郡守世伏其好義

耿夔字上公少有氣決歷任五原遼東太守永初三年左轉雲中  
太守後遷行度遼將軍事以罪免建光中復拜度遼將軍

成嚴為雲中太守建光元年擊其至鞬兵敗力戰沒

楊穆為雲中太守成嚴功曹建光元年秋其至鞬寇居庸嚴擊之  
兵敗穆以身捍嚴與俱戰歿

班伯樓煩人為奉車都尉志節慷慨會定襄大姓石季羣輩報怨  
殺追捕吏伯自請試守期月上即拜伯為定襄太守定襄聞伯  
素貴年以自請治劇畏其下車作威吏民竦息伯至請問耆老  
父祖故人有舊恩者迎延滿堂日為供具執子孫禮郡中益弛  
諸所實禮皆名豪懷恩醉酒共諫伯宜顯攝錄盜賊具言本謀  
亡匿處廼召屬縣長吏選精進掾史分部收捕及宅隱伏旬日  
盡得郡中震慄咸稱神明

後魏

安原遼東人雅性矜嚴沈勇多智畧明元時為獵郎出監雲中軍  
事以驍勇任為將鎮守雲中寬和愛下甚得衆心賜爵武原侯



司馬楚之字德秀晉宣帝弟太常胤之八世孫宋高祖夷司馬戚  
屬楚之亡匿諸沙門中濟江轉俱汝潁之間收衆據長社歸之  
者常萬餘人太宗末遣使請降世祖初徵入朝封瑯琊王車駕  
伐蠕蠕詔與濟陰公盧中山等督運以繼大軍時鎮北將軍封  
查亡入蠕蠕說令擊楚之等以絕糧運蠕蠕乃遣奸覘入楚之  
軍截驢耳而去有告失驢耳者諸將莫能察楚之曰豈是覘賊  
截之以為驗耳賊將至矣即使軍人伐柳為城水灌之令凍城  
立而賊至冰峻城固不可攻逼賊乃走散世祖聞而嘉之尋拜  
假節侍中鎮西大將軍開府儀同三司雲中鎮大將朔州刺史  
在邊二十餘年以清儉著聞和平五斗薨年七十五高宗悼惜

之謚貞王陪葬金陵

段進太武初為白道守將蠕蠕大檀入塞圍之力屈被執進抗聲  
大罵遂為所害進贈安福將軍

來大千代人累遷征北大將軍賜爵盧陵公鎮雲中兼統白道軍  
事寇賊北叛大千前後追擊莫不平殄世祖以其壯勇數有戰  
功兼悉北境險要詔巡撫六鎮以防寇虜經略布置甚得事宜  
後吐京反以大千為都將討平之在吐京卒喪還停於平城南  
世祖出還見而問之左右以對世祖悼惜嘆者良久詔曰大千忠  
勇盡節功在可嘉今聽喪入殯城內謚壯

司馬躍字寶龍楚之次子尚趙郡公主代兄金龍為雲中鎮將朔

州刺史假安北將軍河內公躍請罷河西苑封與民墾殖有司  
執奏此麋鹿所聚大官取給今若與民至於奉獻時禽懼有所  
闕詔曰此地若任稼穡雖有數利事須廢封若是山澗虞禁何  
損尋先朝置此豈苟藉斯禽詠亦以俟軍行薪蒸之用其更論  
之躍固請以與民高祖從之太極十九年卒楚之父相繼鎮  
雲中朔土服其威德

源懷隴西王賀子謙恭寬雅有大度襲爵拜征南將軍尋持節督  
諸軍屯於漠南又督諸軍征蠕蠕六道大將咸受節度遷尚書  
令後例降公加衛大將軍景明二年除車騎大將軍詔為使持  
節加侍中行台巡行北邊六鎮恒燕朔三州振給貧乏兼採風

俗考論殿最事之得失皆先決後聞自京師遷洛邊朔遙遠加  
連年旱儉百姓困弊懷銜命巡撫存恤有方便宜運轉有無通  
濟時后父子勁勢傾朝野勁兄于祚與懷宿昔通婚時為沃野  
鎮將頗有受納懷將入鎮祚郊迎道左懷不與語即劾祚免官  
懷朔鎮將元尼須與懷火舊亦貪穢狼籍置酒請懷謂懷曰命  
之長短由卿之口豈可不相寬貸懷曰今日之集乃是源懷與  
故人飲酒之坐非鞠獄之所也明日公庭始為使人檢鎮將罪  
狀之處尼須揮淚而已無以對之懷既而表劾尼須其奉公不  
撓皆此類也懷又表諸鎮水田請依地令分給細民先貧後富  
時細民為豪強陵壓積年枉滯一朝見申者日有百數所上事

宜便於北邊者凡四十餘條皆見嘉納正始元年九月蠕蠕率  
十二萬騎欲直趨沃野懷朔南寇恒代詔加使持節侍中出據  
北番指授規略隨須徵發諸□處分皆以便宜從事又詔懷子  
直寢徽隨懷北行詔賜馬一匹細鎧一具御稍一枝懷拜受訖  
乃於其庭跨鞍執稍大呼顧謂賓客曰氣力雖衰尚得如此蠕  
蠕雖畏壯輕老我亦未便可欺今奉廟勝之規總旣悍之衆足  
以擒其酋帥獻俘闕下耳時年六十一懷至雲中蠕蠕亡遁旋  
至恒代按視諸鎮左右要害之地可以築城置戍之處皆量其  
高下揣其厚薄及儲糧積伏之宜犬牙相救之勢凡表五十八  
條自魏歷齊北鎮諸戍東西九城是也遷驃騎大將軍三年六

月平年六十三

李崇孝武時為尚書令貴戚重望器識英敏沃野鎮民破六帶拔  
陵反加北討大都督命將軍崔暹廣安王深皆受節度敗於白  
道崇引還雲中謂諸將曰雲中者白道之衝賊之咽喉若此地  
不全則并肆危矣乃請費穆為朔州刺史以鎮之先是崇擊柔  
然阿那瓌於平城長史魏蘭根說崇曰昔緣邊諸鎮地廣人稀  
或徵發中原強宗子弟或國之肺腑寄以爪牙中年以來有司  
號為府尹役同廝養理當惜怒宜改鎮并州分置郡縣凡是府  
尹悉克為民入仕次叙一準其舊文武兼用威恩並施此計若  
行國家庶免北顧之憂崇奏之不報及東西部敕勒皆叛附拔

陵始思崇之言乃詔諸州鎮軍實非有罪配隸者皆免為民政  
鎮為州遂破拔陵

北齊

斛律金朔州敕勒部人性敦直善騎射行兵用塞外法望塵識馬  
步多少嗅地知軍度遠近初為軍主與懷朔鎮將楊鈞送茹茹  
主阿那瓌還瓌見金射獵深嘆其工後瓌入寇高陸金拒擊破之  
正光末破六韓拔陵反金度陵終敗滅乃統所部萬戶詣雲州  
投第二鎮民酋長稍引南出黃瓜推為杜洛周所破部眾分  
散金與兄平脫身歸爾朱榮累遷都督從破葛榮齊高祖建義  
山東金贊成大策留守信都鎮恒雲燕朔顯六州大都督從平

晉陽追滅爾朱兆大昌初為汾州刺史當州大都督沙苑不利  
東雍諸城復為西軍所據金與尉景庫狄干等討復之大象中  
高祖禦周文帝於河陽使金徑往太州為犄角之勢金到晉州  
以軍退不行仍與行台薛循義共圍喬山之寇俄而高祖至共  
討平之因從高祖攻下南絳邵郡等數城武定初除大司馬轉  
第一領民酋長世宗嗣事為肆州刺史齊夫保初封咸陽郡王  
刺史如故冬朝晉陽宮金病帝幸其宅臨視病愈還州三年就  
除太師從征奚賊軍還帝幸肆州與金宴射而去四年解州還  
晉陽車駕復幸其第六宮及諸王盡從置酒作樂極夜不能帝  
忻甚詔金孫武都尚義甯公主成禮曰帝從皇太后幸金宅皇



后太子及諸王等皆從其舅，待如此。後詔率二萬騎屯白道，以備茹茹。表陳擊取之勢，顯祖於是率眾與金共討於吐顏，獲二萬餘戶而還。晉位右丞相，遷左丞相卒。

隋

李徹字廣達，朔方嚴祿人，性謹厚，有才具。初仕周，宇文護于中山訓為蒲州刺史。令徹以本官從高建德。五年，從武帝伐齊，拔晉州，與齊王憲屯雞栖原。齊主以大軍至，戰於晉州城，北憲師敗。徹與楊素、宇文慶等力戰，軍賴以全。復從帝破齊師於汾北，乘勝下高壁，拔晉陽，封荊陽公。入隋，初轉雲州刺史。晉王廣鎮并州，妙選正人，有文武幹者為之寮佐。詔徹總晉王府軍事。時蜀

秀亦鎮益州上謂侍臣曰安得文同王子相武如李廣達者乎  
其見重如此以軍功累封安郡公進位柱國開皇十年徙封城  
陽郡公卒

杜彥雲中人周累封襄武縣侯隨開皇初進爵公累轉雲州總管  
十八年拜朔州總管果強自任騎射惟精績樹平陳威昭禦寇  
突厥冠雲州復拜雲州總管

賀婁子幹字萬壽本代人世居關右周時封武川縣公隨晉鉅鹿  
郡公開皇中拜雲中勅史甚為寇所憚後數年突厥雍虞閭遣  
使請降並獻羊馬詔為行軍總管出西北道應接之還拜雲州  
總管以突厥所獻馬百匹羊千口賜之下書曰自公守北門風

塵不警突厥所獻還以賜公母憂去職卒謚懷

楊義臣代人性謹厚能馳射有將領才文帝甚重之以行軍總管  
率步騎三萬出白道屢著邊績仁壽初拜朔州總管賜御甲四  
年喬鍾葵圍代州詔義臣救之義臣率馬步二萬夜出西陁遲  
明行數十里鍾葵悉眾來拒義臣自以兵火悉取軍中牛驢得  
數千頭復令兵數百人持一鼓潛驅之澗谷間出其不意晡  
後復與鍾葵戰兵初合命驅牛驢者疾進一時鳴鼓塵埃漲天  
鍾葵軍不知以為伏兵發因而大潰縱擊破之以功進位上大  
將軍

周法南字德邁汝南安成人少果勁有風概好讀兵書大業初為

雲州刺史轉定襄太守煬帝幸榆林法尚朝於行宮內史令元  
壽言於帝曰漢武出塞旌旗千里令御營之外分為二十四軍  
日別遣一軍發相去三十里旂幟相望鈺鼓相聞首尾連涉千  
里不絕此亦出師之盛者也法尚曰不然兵亘千里動問山川  
卒有不虞四分五裂腹心有事首尾未知道阻且長難以取救  
雖是故事乃取敗之道也帝不懌曰卿意以為何如法尚曰結  
為方陣四面外距大宮及百官家口並住其間若有變起當頭  
分抗內引奇兵出外奮擊車為壁壘重設鈎陳此與據城理亦  
何異若戰而捷抽騎追奔或戰不利屯營自守臣謂牢固萬全  
之策也帝曰善因拜左武衛將軍

唐

程務挺涪州平恩人以軍功遷右領軍衛中郎將破突厥六萬騎於雲州永隆中阿史那伏念叛詔裴行檢討之務挺為副以功封平原郡公遷左武衛大將軍單于道安撫大使御示突厥善綏御衆士服其威愛突厥憚之不敢盜邊後申救裴炎被害突厥聞之宰相慶為立祠每出師輒禱焉

張說字道濟其先自范陽徙河南永昌中策賢良方正對第一累遷檢校并州長史兼天德軍大使時朔方軍大使王晙誅河曲降虜阿布思也九姓同羅拔野固等皆疑懼說持節從輕騎二十直詣其部宿帳下召見酋豪慰安之副使李憲言虜難信不

宜涉不測說報曰吾肉非黃羊不畏其食血非野馬不畏其刺  
見危授命亦吾效死秋也由是九姓遂安

王忠嗣太原祁人太谷男海賓子父歿於陣忠嗣幼育禁中試守  
代州別駕信安王禘為河東副元帥引為兵馬使開元二十一  
年遷左武衛將軍封清源縣男兼檢校代州都督拜左金吾  
衛將軍兼左羽林上將軍河東節度副使兼大同軍使二十八年  
以本官兼代州都督充河東節度使明年代韋光乘為朔方節  
度仍權知河東節度使討奚奴皆敗之其年以田仁琬充河東  
節度使忠嗣依舊朔方節度兼靈州都督營木刺蘭山平突厥  
烏蘇米施可汗築大同靜邊城併受降振武為一城天寶四載

以功攝御史大夫充河東節度採訪使進封清源縣公訓練士  
馬隨闕繕補士樂為用軍每出召屬長付以兵使授士卒無遺  
矢亡鏃之費器甲充牣自朔方雲中緣邊數千里當要害地開  
拓舊城或自創制斥地各數百里自張仁亶之後四十餘年忠  
嗣繼之復罷戰五載持節充西河隴右節度使其月又權知朔  
方河東節度使事忠嗣佩四將印控制萬里為唐名將尋遷瀛  
臚卿餘知故又加金紫光祿大夫以詔問取石城堡方略忤旨  
李林甫復陷之貶漢陽太守轉漢東郡太守卒寶應元年追贈  
兵部尚書

郭子儀華州鄭縣人以武舉高等累遷單于副都護振遠軍使天

寶八載木刺山始築橫塞軍及安北都護府命子儀領其使拜  
左衛大將軍十三載移橫塞軍及安北都護府於永清柵北築  
城仍改橫塞為天德軍子儀為之使兼九原太守朔方節度右  
兵馬使十四載詔為衛尉卿兼靈武太守元朔方節度使以本  
軍東討安祿山收靜邊軍斬賊將周萬頃擊高秀巖敗河曲賊之  
遂收雲中馬邑開東陞加御史大夫因引軍下井陘與李光弼  
合至德二載復蒲州崔乾祐走收永豐倉關陝始通河東河西  
河南州縣悉平進司空河東副元帥復兩京以功加司徒封代  
國公後召還上元三年二月河中軍亂殺其帥李國貞時太原  
節度使鄧景山亦為部下所殺乃以子儀為朔方河中北庭潞儀



沁澤等州節度行營兼興平定國副元帥充本管觀察處置使進  
封汾陽郡王屯絳州上引至卧内曰河東事一以姜卿三月至  
絳擒殺國貞賊首王元振數十人誅之太原辛雲京聞之亦  
誅害景山者河東諸鎮皆惕息四月代宗即位罷副元帥明年  
十月吐蕃至武功詔為關内副元帥鎮咸陽冠退時僕固懷恩  
方頓軍汾州掠汾并諸邑乃命兼河東副元帥河中節度觀察  
使鎮河中僕固瑒衆來歸懷恩走靈州明年十一月拜尚書令  
固辭永泰元年五月拜都統河南道節度行營復鎮河中急召  
屯涇陽破吐蕃還河中大曆三年十月兼邠甯節度自河中移  
鎮邠州德宗即位詔還朝攝冢宰賜號尚父進位太尉中書令

建中二年卒贈太師謚忠武

李光弼營州柳城人天寶十一載拜單于副都護祿山之亂郭子儀薦光弼堪閫寄十五載正月為雲中太守攝御史大夫充河東節度副使知節度事二月轉魏郡太守河北道採訪使以朔方兵五千出土門屢敗賊會潼關失收兵入井陘肅宗理兵靈武遣使追赴行在授戶部尚書兼太原尹北都留守同中書門下平章事以景城河間卒五千赴太原時節度王承業軍政不修詔御史崔眾交兵毋侮易承業光弼素不平至是交兵眾以麾下來光弼出迎旌旂相接而不避光弼怒其無禮又不即交兵令收擊之頃中使至除眾中丞懷其勅問眾所在光弼曰眾

有罪擊之矣中使以勅示光弼曰今只斬御史若宣制命即斬  
中丞若拜宰相即斬宰相中使懼遂寢之而還翌日以兵仗圍  
衆至碑堂下斬之威震三軍命其親屬吊之二年賊將史思明  
蔡希德等四偽帥率衆十餘萬來攻太原光弼經河北苦戰精  
兵盡赴朔方麾下皆烏合衆不滿萬人思明謂諸將曰光弼兵  
寡弱可屈指取太原鼓行而西圖河隴朔方無後顧矣光弼部  
將聞之皆懼議欲修城以待光弼曰城周四十里賊垂至興役  
是未見敵而自疲矣乃躬率士卒百姓於城外掘壕自固增壘  
於內壞輒補之賊逼城發強弩機石賊驍勁卒死者十二三城  
中長幼皆伏其勤智懦兵增氣皆欲出戰思明揣知先歸留蔡

希德等攻之月餘率敢死士出擊大破之斬首七萬餘級賊始至及遁五十餘日光弼設小幕宿於城東南隅有急即應行過府門未嘗迴顧賊退三日決軍事畢始歸府第轉檢校司徒收清夷橫野等軍擒賊將李宏義以歸詔守司空兼兵部尚書中書門下平章事進魏國公乾元元年入朝遷侍中改鄭國二年七月制拜天下兵馬副元帥知節度行營事八月九節度兵皆潰惟光弼所部不散整衆還太原加太尉兼中書令代郭子儀為朔方節度兵馬副元帥十月破史思明於河陽及邙山敗光弼渡河保聞喜尋拜河中尹晉絳等州節度使未幾鎮臨淮寶應元年進封臨淮郡王二年卒于徐州贈太保謚曰武穆

渾瑊鐵勒渾部之後署折衝果毅城永清及天安軍肅宗初趨行  
在敗虜於天德大曆中回紇侵太原破鮑防軍拜瑊都知兵馬  
使自石鎮關而南督諸軍將角虜引去進單于大都護振武東  
受降城鎮北大都護府綏銀麟勝州節度副大使平朱泚授河  
中絳慈隰節度使河中同陝虢行營副元帥封咸甯郡王與李  
晟鈞禮平李懷光檢校司空還屯河中吐蕃入使鎮奉天寇罷  
還河中貞元四年還邠甯進檢校司徒兼中書令十五年卒贈  
太師謚曰忠武

李景略幽州良鄉人大曆末客河中闔門讀書李懷光為朔方節  
度景略署巡官五原將張光殺其妻以貨市獄前後不能決景

畧覈實論殺之既而有若而勵者敬謝庭中如光妻狀顯名於  
時回紇將南寇朝議當得良將舉景略拜豐州刺史天德軍都  
防禦使窮塞苦寒地瘠鹵邊戶勞瘁景略至節用約己與士同  
甘苦鑿感應永清二渠溉田數百頃儲廩器械畢具威令肅然  
以禮制虜聲雄北疆回紇畏之卒於屯贈工部尚書

任迪簡京兆萬年人舉進士為天德軍使李景略判官性重厚嘗  
軍宴行酒者諛以醢進迪簡以景略性嚴慮坐王酒者乃勉飲  
盡之而偽容其過以酒薄白景略請換之於是軍中皆感悅貞  
元二十年景略卒衆以其長者議請為帥監軍聞之拘迪簡於  
別室軍衆連呼而至發局取之表聞德宗使察之具以軍情奏

除豐州刺史天德軍使時公私缺乏欲饗士而無所給至與門  
下同糲食身居戰戶踰月軍中感其公請安卧內三年上下完  
充入拜太常少卿出鎮易定以疾改太子賓客卒謚曰襄

王朔太原人大曆中為河中少尹充節度留後悍將凌正橫暴擾  
軍政約其徒夜謀斬關以逐朔有告者朔縮夜漏數刻以差其  
期賊驚不敢發而徐擒正誅之軍城又安歷汾州刺史建中二  
年拜振武軍使復為東畿防禦使卒謚肅

范希朝河中虞鄉人德宗初除振武節度使加檢校禮部尚書振  
武有党項室韋諸郡時為盜希朝於要害置柵堡斥候嚴密人  
遂獲安為盜者必殺無赦戎虜甚憚之日有張光晟苦城久矣

今聞是乃更姓名而來其見畏如此蕃落凡有進獻無所受積  
十四年皆保塞不為橫城中小樹希朝於他處市柳子命軍人  
種之俄遂成林居人賴之元和初累遷河東節度使

高霞寓范陽人元和五年以左威衛將軍從吐突承璀擊王承宗  
璿執昭義盧從史其軍驚遣霞寓諭之麾而大呼曰元惡縛矣  
公等宜自安即脫鎧揖而前衆遂定欲留為帥霞寓間道去明  
年改豐州刺史三城都團練防禦使累遷工部尚書左衛大將  
軍長慶三年為振武節度使吐蕃攻鹽豐二州以兵五千屯拂  
雲堆寇引去浚金河溉鹵地數千頃歷右金吾衛大將軍卒贈  
太保



張維清為單于都護有美化單于府表其政績以聞詔立碑為文紀之

劉沔字子汪徐州彭城人少客振武節度使范希朝署牙將軍中太會沔持刀立堂下希朝奇之召謂曰後日必處吾上太和中為天德軍防禦使移振武節度使檢校右散騎常侍單于大都護開成三年突厥劫營沔發吐渾契苾沙陀部萬人擊之賊一轡無返者悉頒所獲馬牛於戰卒築都護府西北四壘加檢校戶部尚書會昌初遷檢校尚書右僕射回鶻寇天德詔以兵糧雲伽閔寇引去二年又掠太原振武兵部郎中李拭獨稱沔才乃拜河東節度兼招撫回鶻使檢校尚書左僕射太原尹北京

留守進屯雁門關虜寇雲州沔擊之斬七裨將寇殘衆走詔沔追  
北仍錄李靖平頡利事賜之軍還次代州擒誅歸義軍叛者  
劉稹拒命詔沔南討屯榆社稹平進檢校司徒以病致仕卒

石雄徐州人敢毅善戰黨項擾河西召隸振武劉沔軍破羌有勞

會昌初回鶻入寇連年掠雲朔牙五原寨下詔雄為天德防禦

副使兼朔州刺史佐劉沔屯雲州沔召雄謀雄即選沙陀李國昌

及契苾拓跋雜虜三千騎夜發馬邑旦登振武城望之見劄車十

餘乘從者朱碧衣謀者曰公主帳也雄潛使喻之穴城夜出

縱牛馬鼓譟直擣烏介帳可汗單騎走斬萬級獲馬牛羊不

貲迎公主還進豐州防禦使武甯李彥佐討劉稹逗留以雄為

晉絳行營諸軍副使時王宰屯萬善劉沔屯石會關顧望莫先  
進雄受命即勒兵越烏嶺破賊五壁斬獲千計賊大震雄臨財  
廉賜與輒置軍門自取一匹縑餘悉分士伍由是衆感發無不  
奮勇武宗喜曰今將帥義而勇罕雄比者就拜行營節度使代  
彦佐徙河中禎危蹙其大將郭誼密獻欵衆疑其詐雄大言曰  
誼為禎謀生今欲殺禎乃誼自謀又何疑雄以七千人徑薄潞  
受誼降進檢校兵部尚書徙阿陽拜神武統軍卒

史獻忠字元貞建康人少為魏牙門將以善戰顯名大中初突厥  
擾河東鈔漕米行賈命為振武軍節度使先是鎮帥使游奕兵  
覘戎有良馬牛強取之歸值十一戎人因興盜掠獻忠廉儉少

所欲常曰吾居河朔去此三千里乃乘五健馬今守邊發吾餘  
俸不患無馬何忍豪市哉故所至莫不懷德累封北海縣子檢  
校尚書左僕射卒贈司空

盧爾方盧鈞鎮太原表節度府判官會党項羗擾鈞使簡方督兵  
乘邊傍河相險集樹保障自神山至鹿泉縣三百里扈過其衝  
賊不得騁候邏使之累拜大同軍防禦使大開屯田練兵侈鬪  
沙陀畏附擢義昌節度使入拜太僕卿鎮大同節度久之徙振  
武軍卒

段文楚隴州沂陽人太尉秀實之孫咸通末為雲州防禦使時李  
國昌鎮振武國昌子克用欲得雲中引兵攻之戰歿鬪雞台下

李嗣本本姓張氏雁門人少事唐太祖賜姓名累以戰功遷雲州  
防禦使從莊宗擊于劉鄩於元城還軍振武後蔚州破嗣本戰

宋

王承美豐州人其父事契丹為左千牛衛將軍開寶二年率眾來  
降父卒授天德軍蕃漢都指揮豐州刺史太平興國七年與契丹  
戰斬獲萬眾明年契丹又入寇又擊敗之追至青塚百餘里  
於豐州城立孔子廟

金

完顏仲婁室子本名石古乃體貌魁偉通女直契丹漢字世宗時  
為西南路招討使兼天德軍節度使政尚忠信決獄公平蕃部

不敢寇邊召為左副都點檢終北京留守

張翰秀容人大定中進中脞東勝義豐會州令有治劇才所至  
輒辦官至戶部尚書卒謚達義

完顏守貞希尹孫襲祖謀克大定二十五年為西京警巡使世宗  
愛其剛直授中都左警巡使遷同知西京留守事御史臺奏守  
貞治有善狀世宗因謂侍臣曰守貞勲臣子又有材能全勝其  
兄守道他日可用也明昌初拜參知政事進尚書左丞改西京  
留守四年召拜平章政事封蕭國公承安元年降授河中防禦  
使卒謚肅守貞剛直明亮臧否無火隱故為胥持國輩所忌竟  
以直罷後趙秉文上書言君子故相完顏守貞小人今參知政

事皆持國也

裴滿亨字仲通臨潢府人祖虎山移屯東受降城以禦夏人亨性  
敦敏習儒克奉職大定二十八年擢進士第章宗諭曰朕左右  
侍臣多以門第顯惟爾由科甲進國家利害其為朕盡言承安  
中遷西京路按察使時世龍家豪奪民田亨檢其寔悉還正之  
泰和末轉河東南北路按察使卒于官上聞而惜之賜物甚厚  
亨歷州郡皆有政績可紀

抹撚盡忠上京路猛安人大定二十八年進士泰和中遷西京按  
察使時留守紇石烈執中跋扈自紫荊關走還中都詔以盡忠  
為左副元帥兼西京留守以功進官三階未幾拜尚書右丞行

省西京鎮撫守禦民甚賴之

完顏伯嘉字輔之北京路訛魯古必刺

語解作額爾亥必刺

猛安人明昌二

年進士大安中為同知西京留守權本路安撫使貞祐初遷順

義軍節度使父母喪起復震武軍節度使兼宣撫副使提控大

和嶺諸隘副統李鵬飛誣殺彰國軍節度使牙改

語解作雅哈

詔伯

嘉治之貞祐四年三月奏西京副統程琢復取渾源白登巴命駐

宏州臣輒擬琢昭勇大將軍同知西京留守事兼領一路義

軍制可仍賜琢夾谷

語解作瓜勒佳

氏琢請曰前代皆賜國姓不繫他

族如蒙更賜榮莫大焉詔更賜完顏氏是月伯嘉遷元帥左監

軍知太原府事河東北路宣撫使七月改知歸德府興定元年



知河中府充宣差都提控二年十二月又以御史中丞權參政  
事元帥左監軍行尚書省元帥府於河中控制河東南北路便  
宜行事以嘗任中丞忤宰臣高琪高汝礪也三年至河中奏曰  
本路衝要不可闕官凡召辟者每以艱險為辭乞凡檄召無故  
不至者宜令降罰悉心幹當者視所歷升遷詔召不至者決杖  
一百餘如所請廷議欲棄河東徙其民以實陝西伯嘉上書諫  
曰中原之有河南如人之有肩背古人云不得河東不雄萬一  
失此恐未易取也大忤宰執意旋召還入見奏曰如臣駕鈍固  
宜召還更須速遣大臣鎮撫上然之又請召撫河北桀黠署以  
職名無為他人所主又曰河東河北有餘召集餘民守城寨

者乞無問其門地皆趨踰等級授以見職又曰河中晉安被山  
帶河保障關陝此必爭之地今雖殘破形勢猶存若使他人據  
之因鹽池之饒聚兵積糧則河津以南太行以西皆不足恃矣  
元光二年三月遙授集慶軍節度使權參知政事行尚書省於  
河中率陝西精銳與平陽公史詠共復河東頃之有疾六月卒  
元

李德輝字元寶通州潞縣人年六十監酒豐州市筆札錄書夜誦  
不休中統中為山西宣慰使權勢之家籍民為奴者咸按而免  
之復業近千人至元元年授太原路總管時潛藩故傅相無有  
出為二千石者上以太原難治故以德輝為守至郡崇學校表

孝節勸耕桑立社食一權度凡可以阜民者無不為之嘉禾瑞  
麥大出境五年徵入七年命錄囚山西河東行至懷仁民有魏  
氏發得木偶持告其妻為厭勝移數獄詞皆具德輝其冤知  
魏氏有愛妾疑妾將構陷其妻召妾鞫之不移時而服遂杖  
其夫而論妾以死時稱神明

國朝

費揚古滿州正白旗人父鄂碩為

國勲戚封三等伯十四歲襲父職擢領侍衛內大臣撫遠大將軍  
駐扎邊境綏輯蒙古從征厄魯特還晉爵內大臣一等公時歸  
化城商賈初集蒙古兵弁強攫貨物有索價者輒倚勢凌暴商

民苦之公至力除其弊有犯者即懲以法康熙三十七年二月  
奉

命還京師塞外軍民商賈攀轅泣送立祠以祀至今香火益盛

通智滿洲人康熙中以兵部尚書充會盟使有威重諸藩畏服時  
丹津為左翼都統和衷共濟遇事必相諮度如土默特文廟官  
學倉庫教場以及先農壇之設俱合銜會奏奉

旨允行以勸導邊防興行教化為己任一時規模制度煥然改觀迄今  
頌都護德者無不知大司馬多協贊之力云

丹津土默特人初授侍衛兼在京佐領職康熙四十三年襲歸化  
城左翼都統五十九年兼襲三等子雍正元年因商民為建生

祠奏請改建文廟設兩翼官學壇設理事同知招商勸農教養兼  
備為商賈十二行及農甫各村莊墾種之始乾隆元年設馬  
廠於城北詔以丹洋董牧務並協理新築綏遠城等工商民  
秋毫無擾二年卒與費大將軍合祠崇祀

齊布森滿洲人嘉慶初蒞歸綏觀察任愛民如子凡布縷粟米石  
役之征悉行蠲免三年奉文辦運軍營茶塊蒙古官弁向城鄉  
居民及過往商旅強索牲畜越界包送甚或調換駝隻商民不  
堪其擾公出示嚴禁令蒙員自行脩辦毋許勒索派閱關一時咸  
愛戴之在任八年擢粵西臬旋升豫藩以去商民思其德為朔  
像費公祠與丹都護左右列並崇祀焉

德綸滿州人嘉慶八年以吏部郎中簡任歸綏觀察因義學廢弛  
日久捐廉興修設立規條至今遵行未替於城南創置義塚一  
所掩茆埋骼有澤及枯骨之頌焉先後在任十年擢升長蘆鹽  
運使

松筠字湘甫蒙古人嘉慶十年以兵部尚書奉使來歸化城說烏  
喇特三公業并署理綏遠城將軍先是札薩克中公車楞旺楚  
克多爾濟重斂苛虐其下經協理台吉圖斯拉克濟車楞敦多  
克密都布約七十餘人聯名許告正盟長西公巴圖鄂齊爾副  
盟長東公拉特那巴拉積不能容公廉得其情奏則中公札薩  
克印正盟長交理藩院議其印改派副盟長拉特那巴拉代治

國朝地輿志 卷之三  
之道光十二年以大學士奉使勘定大青山後各旂游牧界地  
諸藩畏威懷德公勤於任事過地方爭訟立為剖決性復慈  
惠遇老幼殘疾者時賑卹之生平喜作方丈大書尤喜作大虎字  
商民求書者無弗應一持昏寶貫之至謂其可以辟邪去之日  
塞上羣謚思之繪象祀費公祠後以壽終謚文清

昇寅字賓旭號晉齋滿州廂黃旗人嘉慶庚申舉人歷官至都察  
院左都御史禮部尚書五旬贈太子太保謚勤直道光十年官綏  
遠城將軍時邊塞無事惟春秋按時訓練不使駐防軍士倚勢  
欺壓商民在任卅年餘輿誦至今不輟阮文達公作年譜序略  
謂公之學以勇於行為務其於吏事無不諳其施之於政無不

斷所至卻苞苴絕請托故無所阻撓暇則出入經史以補其所  
不足當奉使命崎嶇道路間讀書聲時入人耳詩文俱有寄托  
不以流連光景見長著有使喀爾喀紀程草皇華章晉齋詩草  
行世

岳祥字壽農滿州人嘉慶中以部郎出守汾州洊升歸綏道二十  
四年七月抵任時蒙古恭領佐領因行商赴山後各部落貿易  
私立小票木戳給發執照需索萬端商旅幾至裹足道光元年  
公稟請祿將軍威奏明交晉撫委員查辦公會同審訊將各  
員懲治商民胥頌其德為立碑費公祠

瑞福字芝田滿州正藍旗人以孤性豪爽志氣高邁尤喜樸素既



冠以筆帖式趨公慎勤屢荐升部郎為御史轉給事中巡視察院聞有清名人咸敬之道光甲午歲任歸綏觀察使理監督事蒞政三載略細節不苟責以休養民生為念四野翕然稱良吏焉後引疾告去時哲中丞省菴謂公曰退志何急公曰人之得意不可再往事留餘黃理宜是也時稅課有盈公決無戀意可見胸襟坦淡非利所能動者或謂忤權貴而去

哲成額字省庵滿洲正雄旗人道光中任綏遠城糧餉同知收放銀米必躬視出納胥吏無侵尅弊遇委審事件判決如流軍民咸稱頌焉隨松文清相國勘定大青山後游牧界址及安設各卡倫相國輒倚之如左右手去任之日行李蕭瑟不名一錢

定安字靜村滿洲鑲藍旗人同治七年任綏遠將軍時河西一帶  
寇氛日熾亟言報飛傳公壽饜練兵調遣各營布置防維備極  
周密寇竟聞風遠遁百姓賴以安堵繼而修城濬池以昭慎守復  
於城外大路兩旁遍植楊柳一望如畫頗有綠楊城郭之風改  
八旗分資章程使婚喪咸得其便每補官挑兵一秉至公故人  
人咸思自奮尤加意於人才壽欸建長白書院規模大備復設  
法勸捐數千金發商生息以為肄業者獎勵之需又令八旗立  
學館二十餘所嚴定學生功課章程綏遠文風從此蒸蒸日上  
公之力也士子感戴羣議於書院東北隅建立生祠以奉祀焉  
蓋自設將軍以來豈功偉業莫公若云

慶春滿州正黃旗人光緒初年蒞綏遠將軍任性廉介自奉儉約  
於常祿外一介不取維時大青山後匪徒倡亂民心惶恐已極  
公不動聲色密為調度遣將發兵有條不紊賊偵知有備相  
率渡河而西地方賴以安焉尤能體恤士子勸捐鉅款發商生  
息以作鄉會試賓興元卷之需其武略仁政至今人尤稱之

宗室瑞聯字睦庵

天潢貴胄也以進士光緒三年任綏遠將軍於整軍經武之餘尤加  
意文學因前將軍定所建長白書院尚未出奏恐其久而廢弛  
且以長白二字似乎專為旗人非一視同仁之義改為啟秀書  
院奏明立案每逢月課公必親臨並校閱試卷批解詳明為士

子口講指畫歷數年而不倦復因士子未諳詩律每月特贈詩  
課詳示以作詩之法又設法籌款為肄業者添膏火二十餘分  
以資獎勵士林愛戴羣議奉公之祿位於定將軍生祠以酬厚  
德云

使臣

唐

田歸道雍州長安人仁會子擢明經第累拜左衛郎將默啜請和  
將至單于都護府詔攝司賓卿往勞默啜請大胡州地及都護  
府地不得執歸道將害之歸道色不撓詈且讓為陳害福會  
有詔賜默啜絲粟許結婚於是更以禮遣歸道既還具陳默

良什城廡志 卷之二  
啜不臣狀請備邊已而果驗神龍中遷右金吾將軍卒追封原  
國公謚曰烈

國朝

劉統勳字爾鈍一字延清山東諸城人雍正甲辰進士官至東閣  
大學士清節威望著聞朝野為政悉舉大綱不務苛切有古大  
臣之風乾隆中奉使來城訊辦將軍保德與同知普喜互訐一  
案微服出塞私訪月餘人莫之識後寘保德普喜等於法並杖  
斃竄役白德明其餘官吏分別定罪無縱無枉去後數年市上  
每見白髮公羽衣服浣潔者輒相驚以為公又至矣其聲名動人  
官吏畏服如是一時多陰受其福卒謚文正祀賢良祠

斌良字備卿又立笠耕滿洲正紅旗人由廕生歷官刑部侍郎駐  
藏大臣嘉慶十年以刑部郎中隨松文清公諭烏喇特三公旗  
案其訊斷奏疏等務悉所經手遇地方詞訟亦多委鞠一特頌  
松公者必并及公馬駐城兩月所著有輜車振遠雁門回轡等  
集自赴綏遠城及歸化城行館感懷至晚抵胡家屯詩百二  
十餘首俱在抱冲齋集中洎督漕江左陳臬陝豫皆有政聲

客將

漢

灌嬰睢陽人販繒以中涓從漢王封穎陰侯七年從擊韓王信於  
代至馬邑別降樓煩以北六縣斬代左將破胡騎將於左泉北

復從擊信胡騎晉陽下所將卒斬胡白題將一人又受詔並將  
燕趙齊梁楚車騎擊破胡騎於碣石遂至平城從擊平陳稀別攻  
稀將有功文帝立為太尉三歲為丞相後歲餘卒謚曰懿侯

周勃沛人以將軍從高帝擊韓王信於代還攻樓煩二城因擊平  
城下遷太尉擊陳稀得稀將宋最雁門守因轉攻得雲中守  
邀丞相箕肆將軍傅定雁門郡十七縣雲中郡十二縣因復擊  
稀靈邱破之定代郡九縣復平諸呂亂迎五代王文帝即位以  
勃為丞相

樊噲沛人以將軍從攻韓王信於雲中中與絳侯勃等共定之因  
擊破陳稀遷左丞相復別稀別將王黃軍代南斬信獲代丞

相馮梁守孫奮大將王黃等迹定代鄉邑七十三

夏侯嬰沛人高祖以嬰為太僕常奉車賜爵昭平侯更食汝陰司  
符世世勿絕從擊代至武泉雲中益食千戶從擊手韓王信軍胡  
騎晉陽旁大破之追北至平城為胡所圍七日不得通高帝使  
使厚遺閼氏冒頓乃開其圍一角高帝欲出馳嬰女因徐行弩皆  
并滿外向卒以得脫益食嬰細陽千戶文帝八年卒謚曰文侯  
衛青字仲卿父鄭季河東平陽人以縣吏給事平陽侯曹壽家侯  
尚武帝姊陽信長公主季與王家僮衛媪通生青冒姓衛同母  
姊子夫自主家得奉武帝為夫人有男立為后母昆弟皆貴青  
為大中大夫拜車騎將軍屢擊匈奴出雁門雲中定襄西至高



闕捕首虜數萬畜百餘萬定河南地為朔方郡天子使使者  
大將軍印即軍中拜大將軍長平侯立號而歸

李膺字元禮潁川襄城人祖父修為太尉膺性簡亢無所交接唯  
以同郡荀淑陳寶為師友舉孝廉累官烏桓校尉以公事免永  
壽二年鮮卑寇雲中桓帝聞膺能乃復徵為度遼將軍先是羌  
虜及疏勒龜茲數出攻鈔張掖酒泉雲中諸郡百姓屢被其害  
自膺到邊皆望風懼服先所掠男女悉送還塞下自是之後聲  
震遠域後再為司隸校尉獨持風裁以名聲自高士有被其容  
接者名為登龍門遭黨事免歸起為長樂少府陳寶敗復廢  
儉事起收捕鈞黨乃詣獄拷死

李息武帝元光中為將軍出雲中

公孫賀字子叔北地義渠人元光中以輕車將軍出雲中後再以左將軍出定襄以浮將軍出五原

後魏

李龍環冀州人以勇壯為統將正光中北征戰死白道

隋

楊爽字師仁文帝異母弟也隋受禪立為衛王會北征以爽為行軍元帥率李元節等四將出朔州遇沙鉢略於北道接戰大破之沙鉢略中重創而去

楊素字處道宏農華陰人仁壽初代高頴為尚書左僕射其年以

素為行軍元帥出雲中累捷嘗追躡至夜而及之將復戰恐致越逸令其騎稍後親將兩騎並降者二人與之並行不之覺也候其頓舍未定趣後騎掩擊之大破

王仁恭字元實天水上邽人以剛毅修謹工騎射頗立戰功累遷至光祿大夫以事免邊烽告警煬帝以仁恭宿將詔復本官領馮邑太守其年始畢率騎數萬來攻馮邑時郡兵不滿三千仁恭簡精銳逆擊破之復入定襄仁恭率兵四千掩擊大獲而歸後為麾下校尉劉周武所害

唐

李靖字藥師京兆三原人太宗時突厥入寇以靖為定襄道行軍

總管率勁騎五千夜襲衣定襄破之突厥頡利走保鐵山遣使謝  
罪請舉國內附帝使靖迎之又遣鴻臚唐儉將軍安修仁慰撫  
靖謂副將張公謹曰詔使到虜必自安若萬騎賞二十日糧自  
白道襲之必得所欲遂督兵疾行去其牙七里乃覺部衆驚  
潰斬萬餘級俘男女十萬殺義成公主頡利亡去為大同道行軍  
總管張寶相擒以獻於是斥地自陰山北至大漠後又破吐谷  
渾封衛國公年七十九薨諡曰景武

徐勣字懋功賜姓李曹州人累官至並州都督為通漠道行軍  
總管出雲中引兵與李靖合屯碛口降突厥封英國公太宗嘗曰  
煬帝不擇人守邊勞中國築長城以備虜今我用勣守并突

厥不敢南下賢於長城遠矣

薛仁貴絳州龍門人開耀元年拜右領軍衛將軍檢校代州都督擊突厥元珍於雲州突厥問曰唐將為誰曰薛仁貴突厥曰吾聞薛將軍流象州死矣安得復生仁貴脫兜鍪盃見之突厥相視失色下馬羅拜稍稍遁去仁貴因進擊于大破之斬首萬級獲生口三萬牛馬梅是其年卒

王逢許州人忠武軍節度師子以功歷諸衛將軍太和中從石雄劉沔破回紇於天德軍王宰攻劉稹逢領陳許七千人屯翼城賊平累遷忠武節度使

明

李文忠字思本盱眙人洪武二年命會攻慶陽師次太原聞大同圍急曰兵可無西也援大同使軍吏曰專命可乎文忠曰聞外之事苟利於國專之可也遂出雁門大破北師拜左副將封曹國公六年行山西邊留屯代縣七年出白登秋進曲州擒故官十二人馬駝牛羊甚衆窮追至一百千兒乃還卒追封岐陽王謚武靖

劉漢嘉靖三十九年七月以大同總兵襲俺答於豐州

翟鵬字志南撫甯衛人正德三年進士嘉靖中以兵部右侍郎代樊繼祖總督軍務上疏言將吏過被掠人牧近塞宜多方招徠殺降逸功者宜罪寇入官軍過敵雖無功竟賴以安者當錄如

賊衆我寡奮身戰雖有傷折未至殘生民者罪當原於法停讞  
論功損挫論罪乃有推鋒陷陣不暇斬首而在後槍取者反積  
級受功有逡巡觀望幸獲苗全而力戰當先者反以損軍治罪  
非戎律之平皆從其議俺荅屢入塞鵬馳抵朔州選精銳百人  
遠至豐州西北過牧馬者百餘人擊斬二十三級奪其馬還未  
入塞寇大至官軍飢憊盡棄所獲鵬據實陳狀上以將士  
敢深入仍行遷賞

